

Ubah mentaliti makan gaji

Oleh SAFINA RAMLI

pengarang@utusan.com.my

■ KUALA LUMPUR 15 OKT.

PERDANA Menteri, Datuk Seri Najib Tun Razak berkata, golongan muda terutama pelajar universiti perlu mengubah mentaliti dengan memberi tumpuan terhadap bidang keusahawanan serta tidak lagi bergantung kepada kerajaan untuk mendapatkan pekerjaan.

Najib berkata, ini kerana bidang keusahawanan terutama yang melibatkan sektor e-dagang dan ekonomi digital merupakan penjana kepadakekayaan negara dan disebabkan itu, golongan muda perlu mencabar diri dengan menyertainya.


"Saya mahu mentaliti kita berubah, saya tidak mahu dalam fikiran kita ada mentaliti apabila keluar dari universiti, dalam kepala kata ingin kerja dengan kerajaan.

"Kita mesti cabar diri untuk fikir bahawa bidang keusahawanan boleh menjanjikan masa depan yang lebih bermakna," katanya dalam Program Bicara Santai Malam Gala Varsity Entrepreneurship Skills and Talents (VEST) 2017 di Universiti Kebangsaan Malaysia (UKM) dekat sini malam ini.

Yang turut hadir Menteri Perdagangan Dalam Negeri, Koperasi dan Kepenggunaan, Datuk Seri Hamzah Zainudin.

VEST merupakan inisiatif Kementerian Perdagangan Dalam Negeri, Koperasi dan Kepenggunaan (KPDNKK) bersama Perbadanan Nasional Berhad (PNS) di bawah Transformasi Nasional 2050 (TN50) yang menerapkan budaya keusahawanan dalam kalangan pelajar universiti.

Sejumlah RM50,000 diperuntukkan yang mana pemenang pertama disandang Universiti



NAJIB TUN RAZAK mahu pelajar universiti terlibat dalam sektor e-dagang dan ekonomi digital dalam Program Bicara Santai Malam Gala Varsity Entrepreneurship Skills and Talents 2017 di UKM, Bangi, semalam. - UTUSAN/AMIR KHALID

Teknologi Petronas (UTP) dengan hadiah RM25,000; kedua, Universiti Putra Malaysia (UPM) memperoleh RM15,000 dan ketiga, Universiti Kebangsaan Malaysia (UKM) mendapat RM 10,000.

Menurut Perdana Menteri, golongan muda perlu mencontohi jutawan internet dari China, Jack Ma mencipta kekayaan melalui bidang keusahawanan internet.

"Walaupun kita bermula dengan keadaan yang serba sederhana, jangan lupa Jack Ma bermula di dalam satu apartmen kecil.

"Saya sudah pergi ke China dan lihat gambar apartmen Jack Ma yang seluas 600 kaki persegi sahaja ketika dia bermula sebagai usahawan tetapi hari ini, Jack Ma

antara yang terkaya di dunia," katanya.

Dalam pada itu Najib berkata, kerajaan sentiasa memberikan sokongan kepada golongan usahawan muda dengan memberi penekanan dari segi latihan dan kemahiran kepada golongan tersebut melalui pelbagai agensi.

"Selain beri pelbagai latihan dan kemahiran, pada saya program *mentoring* juga perlu juga ditekankan kepada usahawan muda ini," katanya.

Sementara itu, beliau yakin program VEST 2017 dapat melatih dan mendidik para pelajar universiti untuk menjadi kelompok yang berwibawa dalam bidang keusahawanan.

Waktu Solat						
MBSB						
SUBUH	SYURUK	ZUHUR	ASAR	MAGHRIB	ISYAK	
5.42	6.57	1.02	4.18	7.02	8.11	KUALA LUMPUR dan kawasan seawaktu dengannya
5.48	7.03	1.06	4.23	7.05	8.15	PULAU PINANG dan kawasan seawaktu dengannya
5.35	6.49	12.55	4.10	6.56	8.04	KUANTAN dan kawasan seawaktu dengannya
5.32	6.49	12.53	4.08	6.54	8.04	JOHOR BAHRU dan kawasan seawaktu dengannya
5.07	6.20	12.28	3.43	6.29	7.39	KUCHING dan kawasan seawaktu dengannya